



ESTATUTOS

CAPITULO 1º

DA ENTIDADE

Art. 1.- A Agrupación deportiva " "VILASOBROSO" " é unha Asociación privada con personalidade xurídica e capacidade de obrar, que ten por único obxecto o fomento e práctica de actividades físico-deportivas, non limitadas a un só ámbito, modalidade ou disciplina, sen ánimo de lucro.

Art. 2.- A Agrupación Deportiva "VILASOBROSO" en VILASOBROSO constitúese ó abeiro da Lei 13/1980 do 31 de marzo, Xeral da Cultura Física e Deportes, e de canto dispón o Real Decreto 1697/1982 do 18 de xuño, sobre Agrupacións Deportivas.

Art. 3.- Son fins da Agrupación:

- a) Desenvolver actividades físico-deportivas entendidas na liña deportiva (do deporte) para todos e do tempo libre.
- b) Fomentar, promocionar e divulga-la idea do exercicio físico e o deporte en xeral, pois recoñecese que son un medio ó servizo do pleno desenvolvemento da persoa.
- c) _____

Art. 4.- Enténdense ligados por especiais vínculos co fin de se integrar na Agrupación deportiva " "VILASOBROSO" " a TODOLOS VECÍÑOS DE VILASOBROSO .-

Art. 5.- A Xunta directiva poderá acorda-la creación de tantas seccións deportivas coma modalidades específicas se practiquen na agrupación. Para tomar parte nas competicións das respectivas Federacións Españolas deberánse adscribir ás mesmas, tendo que aplica-los Estatutos, Regulamentos e demais disposicións destas.

(Só se citarán as federacións ou Federación ás que quede adscrita, cando exista o desexo de tomar parte en competición federadas).

Art. 6.- O domicilio social fíxase en Provisionalmente no CASINO DE VILASOBROSO debendo, en caso de variación, dar conta ó Consello Superior de Deportes ou á Dirección Xeral de Deportes dependente da Xunta de Galicia.

Art. 7.- O ámbito de actuación da Agrupación é (Local/Provincial) sen perxuício de se integrar en organizacións de ámbito territorial superior si así se acordase.

CAPITULO 2º

DOS SOCIOS

Art. 8.- O número de socios será ilimitado, coa única condición de que se dean os vínculos de carácter social ou profesional que os ligan coas persoas que constitúen a agrupación. A Xunta Directiva poderá suspender, sen embargo, a admisión temporal de novos socios cando a falta de espazos ou capacidades das instalacións así o aconselle.

Art. 9.- A Agrupación comporase das seguintes clases de socios: de honor, de número e eventuais.

a) Serán socios de honor aquelas persoas ás que a xunta Directiva outorgue esta distinción polos seus relevantes méritos. Terán un posto de preferencia nos actos oficiais da agrupación.

b) Serán socios de número os que, previa solicitude, sexan admitidos pola Xunta Directiva e aboen a cuota.

c) Serán socios eventuais os que participen, circunstancialmente, nas actividades da Agrupación e aboen as cuotas de inscrición que se establezan.

Os socios de número gozarán da plenitude de dereitos que outorguen os presentes Estatutos, sendo todos eles membros da Asamblea Xeral na que só poderán exercer dereito de voto os maiores de idade e os representantes legais dos menores de idade.

Art. 10.- Os socios de número terán os seguintes dereitos:

a) Participar no cumprimento dos fins específicos da agrupación.

b) Esixir que a actuación da Agrupación se axuste ó disposto na Lei Xeral de Cultura Física e do Deporte, ás súas normas de desenvolvemento e ás disposicións estatutarias específicas

c) Separarse libremente da Agrupación.

d) coñecer as súas actividades e examinala súa documentación

e) Ser elector e elixible para os órganos de representación e goberno, sempre que cumprirán a idade de dezoito anos e teñan plena capacidade de obrar.

Art. 11.- Establécese o principio de igualdade de tódolos asociados sen discriminación por raza, sexo, relixión, ideoloxía ou calquera outra condición ou circunstancias persoais ou sociais.

Art. 12.- Son obrigas dos socios de número, ademais das de carácter xurídico, político e económico que se desprenden dos presentes Estatutos e Regulamentos que se desenvolvan, o acatamento ós mesmos e ós acordos que adopten os seus órganos de goberno; así como a difusión e práctica da actividade física e deportiva que constitúe o obxecto social e aboa-las cuotas establecidas.

Art. 13.- Para ser admitido como socio, en calquera das modalidades será necesario:



- a) Reuni-las condicións sinaladas para cada unha delas.
- b) Solicitalo por escrito á Xunta Directiva.
- c) Satisface-la cuota de ingreso correspondente.

Art. 14.- A condición de socio pérdese:

- a) Por vontade propia.
- b) Por falta de pagamento das cuotas sociais establecidas.
- c) Por acorda da Xunta Directiva fundado en faltas de carácter grave, previa audiencia do interesado, que terá que ser ratificado na primeira Asamblea Xeral que se celebre.

CAPÍTULO 3º

DOS ÓRGANOS DE REPRESENTACION, GOBERNO E ADMINISTRACION

Art. 15.- A Agrupación estará rexida polos seguintes órganos de goberno:

- a) A Asamblea Xeral
- b) A Xunta Directiva
- c) A Presidencia

A ASAMBLEA XERAL

Art. 16.- A Asamblea Xeral é o órgano supremo de goberno da agrupación. Estará integrada por tódolos socios de número e polos representantes legais de tódolos asociados que non gocen deste dereito.

Se o número de integrantes non excedese dos dous mil, poderán intervir, directamente, os socios de número e os representantes legais. Se se superase a devandita cifra, a participación na Asamblea farase polo procedemento de compromisarios; elixíndose por sufraxio igual e directo, así como secreto, trinta e tres representantes por unidades de millar o fracción.

Os socios candidatos deberán ser presentados con quince días de antelación á data da elección, acompañándose a expresa aceptación destes candidatos.

Se o número de candidatos non chegase á cifra de trinta e tres por millar, a diferenza existente corrixirase polo sistema de turno rotatorio por sorteo entre socios; quedando excluídos de sucesivos sorteos os que saísen elixidos por este sistema en mandatos anteriores.

O mandato dos socios-representantes será de dous anos, debendo, xa que logo, intervir en tódalas Asambleas Xerais, tanto ordinarias coma extraordinarias que se celebren no período para o que foran elixidos.

Art. 17.- Corresponde á Asamblea Xeral:

- a) Elixir presidente e membros da Xunta Directiva mediante sufraxio persoal, libre, directo e secreto de tódolos socios con dereito a voto.
- b) Discutir e aprobar, se procede, a memoria anual, a liquidación do exercicio social, o balance e a rendición de contas.
- c) Aproba-lo presuposto de ingresos e gastos.





- d) Coñecer, discutir e aprobar, no seu caso, as propostas da Xunta Directiva.
- e) Estudiar e resolve-las proposicións formuladas polos socios, coa debida antelación, e que deberán ir asinadas como mínimo polo cinco por cento dos mesmos.
- f) Sinala-las condicións e formas de admisión de novos socios e acorda-la contía da cuota que deben aboa-los asociados.
- g) Elabora-los Regulamentos de Réxime interior da Agrupación, así como propoñe-las modificacións dos mesmos e dos presentes Estatutos.
- h) Dispoñer e allea-los bens da Agrupación, tomar cartos en préstamo e emitir títulos transmisibles representativos de débedas.
- i) Crear servizos en beneficios dos asociados
- j) Coñecer e ratifica-las altas e baixas dos asociados
- Os apartados a), f), g), e h) serán de competencia da Asamblea Xeral Extraordinaria.

Art. 18 As Assembleas Xerais, tanto ordinarias coma extraordinarias, quedarán validamente constituídas en primeira convocatoria cando concorran a ela, presentes ou representados, a maioría dos seus socios de número. Se en segunda convocatoria non concorren a cuarta parte dos membros da Asamblea, procederase a unha terceira e última convocatoria, tanto se é ordinaria como extraordinaria, calquera que sexa o número de membros presentes.

Art. 19 A asamblea Xeral deberá ser convocada en sesión extraordinaria, alomenos, unha vez ó ano e en sesión extraordinaria cando así o considere a Xunta Directiva ou o soliciten un mínimo do 10% dos socios membros da mesma, e sempre quince días hábiles antes da data de celebración.

A XUNTA DIRECTIVA

Art. 20 A Xunta Directiva, como órgano de goberno da Entidade, executará os acordos adoptados pola Asamblea Xeral e exercerá as funcións que este Estatuto lle confire. Estará formada por un número de membros non inferior a cinco nin superior a vinte, ó fronte desta haberá un presidente e formarán parte dela un vocal por cada unha das posibles seccións deportivas federadas. O vicepresidente, o secretario e o tesorero elixiranos os vocais entre os que ostenten esta condición.

Art. 21.- En especial corresponde á Xunta directiva:

- a) Dirixi-la xestión da Entidade velando polo cumprimento do seu obxecto social.
- b) Crea-las Comisións ou Grupos de traballo que considere necesarios.
- c) Nomea-las persoas que teñan que dirixi-las distintas comisións ou áreas de participación, así como organizar tódalas actividades deportivas da Agrupación.
- d) Formula-lo inventario, o balance e a memoria anuais que teñan que ser sometidos á aprobación da Asamblea.
- e) Redactar ou reforma-lo Regulamento de Réxime interior fixando as normas de uso das instalacións e tarifas correspondentes.

Art. 22.- Tódolos cargos desta Xunta Directiva elixiraos pola Asamblea Xeral median-

te sufragio libre e secreto, teñen unha duración de catro anos e anóvase a metade cada dous anos; de maneira que a primeira non acade ó Presidente, un Vicepresidente e un Tesoureiro. Tódolos cargos directivos serán reelixibles.

Art. 23 .- A Xunta directiva quedará validamente constituída cando asistan, alomenos, o Presidente ou un Vicepresidente e a metade dos restantes membros.

Art. 24 .- A Xunta Directiva será convocada polo seu Presidente con dous días de antelación, como mínimo, á data de celebración. Tamen poderá ser convocada a petición de tres ou máis dos seus membros.

Art. 25 .- A Xunta Directiva tamén quedará validamente constituída cando estean presentes tódolos seus membros, aínda que non mediase convocatoria previa.

Art. 26 .- O Secretario coidará do arquivo da documentación, redactará cantos documentos afecten á marcha administrativa da Agrupación e levará o Libro de Rexistro de Asociados e o Libro de Actas.

Art. 27 .- O Tesoureiro será o depositario da agrupación, asinará os recibos, autorizará os pagamentos e levará os libros de contabilidade. Durante o primeiro mes de cada ano formalizará un balance da situación e das contas de ingresos e gastos, que se porán en coñecemento de tódolos asociados.

A PRESIDENCIA

Art. 28 .- O Presidente e, no seu defecto, calquera dos Vicepresidentes é o representante legal da Agrupación e presidirá a Asamblea Xeral e a Xunta Directiva, decidindo co seu voto de calidade os casos de empate. Tamén exercerá as funcións específicas que o Regulamento e a Asamblea Xeral lle confiran.

CAPITULO 4º

DO RÉXIME ECONÓMICO FINANCIERO

Art. 29 .- No momento da creación desta Agrupación Deportiva o patrimonio fundacional é: NINGUN.

e, no futuro, estará integrado por:

- a) As aportacións económicas dos socios que aprobe a Asamblea Xeral, consonte as normas establecidas no regulamento interior.
- b) As doazóns ou subvencións que reciba.
- c) Os resultados económicos que poidan produci-los actos que organice a entidade.
- d) As rendas, froitos ou intereses do seu patrimonio.

Art. 30 .- Queda expresamente excluído como fin de agrupación o ánimo de lucro, e non se poderán destina-los seus bens a fins industriais, comerciais, profesionais ou de servizos, sin exercer actividade de igual carácter coa finalidade de repartir beneficios entre os seus socios.

A totalidade dos seus ingresos deberánse aplicar ó cumprimento dos seus fins sociais. Cando se trate de ingresos procedentes de competicións ou manifestacións deportivas dirixidas ó público, estes beneficios deberánse aplicar, exclusivamente, ó fomento e desenvolvemento das actividades físicas e deportivas dos socios. Cando os ingresos procedan de subvencións recibidas con cargo ós presupostos do

Concello Superior de Deportes, o control dos gastos imputables a eses fondos corresponde a aquel organismo, sen perxuício das funcións que corresponden á Intervención Xeral da Administración do Estado.

Art. 31.- Poderá gravar a allea-los seus bens inmobles, tomar cartos en préstamo e emitir títulos transmisibles representativos de débeda ou parte alícuota patrimonial sempre que cumpra os seguintes requisitos:

- a) Que sexan autorizadas estas operacións por maioría de dous tercios da ~~Asamblea~~ Xeral Extraordinaria.
- b) Que os devanditos actos non comprometan de xeito irreparable o patrimonio da agrupación ou actividade físico-deportiva que constitúe o seu obxecto social. Para a axeitada xustificación deste extremo poderá esixirse, sempre que o soliciten un cinco por cento, alomenos, dos asociados, o oportuno dictame económico-actuarial.
- c) Cando se trate de tomar cartos en préstamo en contía superior ó 50 por cento do presuposto anual da Agrupación ou que represente unha porcentaxe igual do valor do patrimonio, así como nos supostos de emisión de títulos requirirá a aprobación do Consello Superior de deportes ou da Dirección Xeral de Deportes da Xunta de Galicia.

O produto obtido do alleamento de instalacións deportivas ou dos terreos en que se atopen deberase invertir, integramente, na adquisición, construción ou mellora de bens da mesma natureza.

Art. 32.- Os títulos de débeda ou de parte alícuota patrimonial que emita a Agrupación serán nominativos.

Os títulos inscribiránse nun libro que levará, para o efecto, a Agrupación, no que se anotarán as sucesivas transferencias. En tódolos títulos constarán o valor nominal, a data de emisión e, no seu caso, o interese e prazo de amortización.

Art. 33.- Os títulos e débeda so poderán ser suscritos polos socios, e a súa posesión non conferirá dereito algún especial, agás a percepción dos intereses establecidos de acordo coa lexislación vixente. Os títulos de parte alícuota patrimonial serán, igualmente, suscritos polos socios. A condición de socio non está limitada ós que se atopen en posesión destes títulos; non se conferirá. ós seus posuidores ningún dereito especial. En ningún caso estes títulos darán dereito á percepción de dividendos ou beneficios.


Os títulos de débeda ou parte alícuota patrimonial serán transferibles de acordo cos requisitos e condicións que, en cada caso, estableza a Asamblea Xeral.

CAPITULO 5º

DO RÉXIME DOCUMENTAL DA AGRUPACIÓN

Art. 34.- Integrará o réxime documental e contable da agrupación:

- a) O libro de Rexistro de Socios, no que deberán consta-los seus nomes e apelidos, o número do D.N.I., profesión e, no seu caso, cargos de representación, goberno ou administración que exerza na agrupación. O libro de Rexistro de socios tamén especificará as datas de altas e baixas e as de toma de posesión e cese dos cargos aludi-



dos.

- b) Os libros de actas consignarán as reunións que celebre a ~~Asamblea Xeral~~ ^{Xunta Directiva} con expresión da data, asistentes, asuntos tratados e acordos adoptados. As actas serán suscritas, en calquera caso, polo Presidente e Secretario do órgano colexiado.
- c) Os libros de contabilidade nos que figurarán tanto o patrimonio coma os dereitos, obrigas, ingresos e gastos da Agrupación, debéndose precisa-la procedencia daqueles e a inversión ou destino destes.
- d) O balance da situación e as contas dos seus ingresos e gastos que a Agrupación deberá formalizar durante o primeiro mes de cada ano poranse en coñecemento de tódolos seus socios.
- e) Todos aqueles auxiliares que consideren oportunos para un mellor desenvolvemento dos seus fins.

CAPITULO 6º

ESTATUTOS; REGULAMENTOS E DISOLUCIÓN DA AGRUPACIÓN

Art. 35.- Os presentes Estatutos desenvolveranse nun Regulamento Interior, que non se opoña á normativa vixente de carácter deportivo e estea de acordo cos preceptos dos Estatutos.

Art. 36.- Os presentes estatutos e o Regulamento só poderán ser modificados, reformados e derogados na Asamblea Xeral Extraordinaria convocada para o efecto mediante acordo que se deberá adoptar en votación cualificada de dous tercios dos socios de número asistentes, No caso de que a modificación ou reforma sexa consecuencia de disposicións dos órganos superiores deportivos, queda facultada a Xunta Directiva para dicta-las normas provisionais de aplicación que refrendará a Asamblea na primeira reunión que celebre, adecuándose, en todo caso, ó Real Decreto que desenvolve a Lei de Cultura Física no que se refire ás Agrupacións escolares.

Art. 37.- A Agrupación extinguirase ou disolverase a proposta da Xunta directiva por unanimidade de tódolos seus membros mediante acordo adoptado en votación cualificada de dous tercios pola asamblea Xeral Extraordinaria que se celebre para este fin.

Art. 38.- En caso de disolución, o seu patrimonio neto reverterá á colectividade, para este fin comunicarse esta disolución ó Consello superior de Deportes ou á Dirección Xeral de Deportes dependente da Xunta de Galicia, que acordará o destino destes bens para o fomento e desenvolvemento das actividades físico-deportivas e na maneira que determinen as disposicións legais aplicables.

ASENTO DE PRESENTACION

Faise constar que os Estatutos *Agropecuaria* *Dep. Vilasobraso*
co domicilio en *C. de Vilasobraso* Localidade *Maudaiz*
Provincia *Pontevedra* pertencente á Federación
de *de* *foron presentados por*

foron presentados no día da data no Rexistro de Clubes, Federacións e Entidades deportivas da Dirección Xeral de Deportes da Xunta de Galicia para o seu exame e aprobación, se procede.

Santiago, 21 de Xullo

do 1988



DILIXENCIA: Exténdoa para facer constar que os presentes Estatutos da

Agrupación Deportiva Vilasobres
Registrada C.º n.º 1755

foron aprobados de conformidade co disposto no Decreto n.º 82/1983, do 21 de Abril, publicado no Diario Oficial de Galicia n.º 47. de data 13 Maio de 1983.

Santiago, 17 de Janeiro
O XEFE DO REGISTRO,

de 1985

